

**Ճամբարային Տարածքների, Հանգստի Ավտոտնակների Կայանատեղիների և Տնակների Վարձակալման Կետերի Վերաբացման Արձանագրություն. Հավելված 0**  
Ուժի մեջ է մտնում 2020 թ.-ի Հունիսի 12-ին՝ Ուրբաթ օրը

**Վերջին թարմացումները (Փոփոխությունները նշված են դեղինով)**

**12/18/20.** Թարմացվել է խաղահրապարակներին թույլ տալու բաց լինել՝ համաձայն Նահանգային ուղեցույցի:

**12/06/20.** Համաձայն Նահանգային Տարածաշրջանային Տանը Մնալու Հրամանի՝ ճամբարները, հանգստի ավտոտնակները և վարձակալվող տնակները պիտի թույլ չտան գիշերակացներ իրականացնել 2020թ.-ի Դեկտեմբերի 6-ի երեկոյան ժամը 11:59-ից (PST) մինչև հետագա ծանուցում:

**12/02/20.**

- Խցիկներում աշխատող աշխատակիցները պետք է դեմքի ծածկոցներ կրեն՝ ներառյալ միջնապատերով խցիկներում: Բացօթյա լողավազանում լողալը թույլատրվում է միայն այն դեպքում, եթե մեկ շարքում լողում է մեկ լողորդ: Սա ժամանակավոր միջոց է՝ համաձայն ԱՌՈՂՋԱՊԱՀՈՒԹՅԱՆ ՊԱՏԱՍԽԱՆԱՏՈՒԻ Ժամանակավոր ՀՐԱՄԱՆԻ, որը տրվել է 2020 թ.-ի Նոյեմբերի 28-ին: Պահանջը ուժի մեջ է մինչև հետագա ծանուցում:
- Ուտելիս կամ խմելիս աշխատակիցները պետք է մյուսներից 6 ոտնաչափ հեռավորություն պահպանեն և հնարավորության դեպքում դա անեն նաև դրսում: Խցիկում կամ աշխատավայրում ուտելը կամ խմելը ավելի նախընտրելի է, քան ընդմիջման սենյակում ուտելը:

Լոս Անջելես Շրջանի Հանրային Առողջապահության Վարչությունը, գիտական և հանրային առողջապահության փորձաքննության աջակցությամբ, որդեգրում է աստիճանական մոտեցում՝ թույլ տալու որոշ վայրերի և հաստատությունների ապահով վերաբացումը: Ներքոհիշյալ պահանջները մասնավորեցված են ճամբարային տարածքների, հանգստի ավտոտնակների կայանատեղիների և տնակների վարձակալման կետերի համար, որոնց վերաբացումը թույլատրվել է Նահանգի Հանրային Առողջապահության Պատասխանատուի Հրամանով: Նահանգապետի կողմից նշված այս հատուկ վայրերում պարտադրված պայմաններից բացի, այս տեսակի բիզնեսների գործունեությունը պետք է նաև համապատասխանի հետևյալ ցուցակում առկա բոլոր պայմաններին:

Համաձայն Նահանգային Տարածաշրջանային Տանը Մնալու Հրամանի, որը տրվել է 2020թ.-ի Դեկտեմբերի 3-ին, և ուժի մեջ է 2020թ.-ի Դեկտեմբերի 6-ի երեկոյան ժամը 11:59-ից (PST) մինչև հետագա ծանուցում, ճամբարները, հանգստի ավտոտնակները և վարձակալվող տնակները պետք է թույլ չտան գիշերակացի իրականացումը: Խնդրում ենք նկատի ունենալ. Սույն փաստաթուղթը կարող է վերանայվել, քանի որ Լոս Անջելեսի Շրջանի վեբկայքում՝ <http://www.ph.lacounty.gov/media/Coronavirus/>, պարբերաբար տեղադրվում են հավելյալ տեղեկություններ և աղբյուրներ սույն փաստաթղթի և կից ուղեցույցների թարմացման համար:

Ցուցակն ընդգրկում է.

- (1) Աշխատատեղի քաղաքականությունն ու գործելակերպ՝ աշխատողների առողջությունը

պաշտպանելու համար

- (2) Ֆիզիկական հեռավորությունն ապահովելու միջոցառումներ
- (3) Վարակի վերահսկումը ապահովելու միջոցառումներ
- (4) Հաղորդակցությունն աշխատակիցների և հասարակության հետ
- (5) Կարևորագույն ծառայություններին անաչառ հասանելիությունն ապահովելու միջոցառումներ

Այս հիևգ հիմնական ոլորտները պետք է հաշվի առնվեն ձեր հաստատության կողմից վերաբացման ցանկացած արձանագրության մշակման ժամանակ:

**Սույն ուղեցույցում ընդգրկված բոլոր ճամբարային տարածքները/ հանգստի ավտոտնակների կայանատեղիները և տնակների վարձակալման կետերը պետք է իրականացնեն ներքոհիշյալ բոլոր կիրառելի միջոցառումները և պատրաստ լինեն բացատրելու, թե ինչու որևէ չիրականացված միջոցառում կիրառելի չէ:**

Հաստատության անվանումը.

\_\_\_\_\_

Հաստատության հասցեն.

\_\_\_\_\_

**Ա. ԱՇԽԱՏԱՏԵՐԻ ԶԱՂԱՔԱԿԱՆՈՒԹՅՈՒՆ ԵՎ ԳՈՐԾԵԼԱԿԵՐՊ՝ ԱՇԽԱՏՈՂՆԵՐԻ ԱՌՈՂՋՈՒԹՅՈՒՆԸ ՊԱՇՏՊԱՆԵԼՈՒ ՀԱՄԱՐ (ՆՇԵՔ ՀԱՏԱՏՈՒԹՅԱՆԸ ՎԵՐԱԲԵՐՈՂ ԲՈԼՈՐ ԿԵՏԵՐԸ)**

- Տնից աշխատելու հնարավորություն ունեցող բոլոր աշխատակիցներին հրահանգվել է աշխատել տնից:
- Խոցելի խմբում գտնվող աշխատակիցներին (65 և ավելի բարձր տարիքի, քրոնիկական առողջական խնդիրներ ունեցող անձինք) հնարավորության սահմաններում հանձնարարվում է այնպիսի աշխատանք, որը հնարավոր կլինի կատարել տնից:
- Աշխատանքային գործընթացները վերաձևավորվում են՝ հնարավորության շրջանակներում մեծացնելու աշխատակիցների՝ տնից աշխատելու հնարավորությունը: Աշխատեք աշխատակիցներին տալ վերափոխված առաջադրանքներ, որոնք նվազագույնի կհասցնեն այցելուների և այլ աշխատակիցների հետ նրանց շփումը:
- Հաստատվել են այլընտրանքային, տատանողական կամ հերթափոխային աշխատանքային ժամանակացույցներ՝ ֆիզիկական հեռավորությունը առավելագույնի հասցնելու նպատակով:
- Բոլոր աշխատակիցներին (ներառյալ՝ վճարովի աշխատողները և կամավորները, ընդհանուր՝ «աշխատակիցները») հանձնարարվել է չգալ աշխատանքի, եթե հիվանդ են կամ շփվել են COVID-19-ով վարակված անձի հետ: Անհրաժեշտության դեպքում՝ աշխատակիցներն ըմբռնումով հետևում են Հանրային Առողջապահության Վարչության՝

ինքնամեկուսացման և կարանտինի ցուցումներին: Աշխատավայրում արձակուրդային քաղաքականությունները վերանայվել են և ենթարկվել փոփոխությունների՝ ապահովելու հիվանդության պատճառով աշխատանքի չներկայացած անձանց ազատումը պատասխանատվությունից:

- Տե՛ս հավելյալ տեղեկատվություն, հիվանդության պատճառով արձակուրդների և COVID-19-ի դեպքում աշխատակիցների անաշխատունակության փոխհատուցման Կառավարության աջակցող [ծրագրերի](#) մասին, ներառյալ՝ աշխատակիցների հիվանդության պատճառով արձակուրդի իրավունքների վերաբերյալ [Ընտանիքների Համար Կորոնավիրուսի Առաջին Արձագանքման Ակտը](#) և Մարտի 19-ից Յուլիսի 5-ն ընկած ժամանակահատվածում COVID-19-ի վարակի դեպքում կանխավարկածները աշխատողների անաշխատունակության փոխհատուցման նպաստների իրավունքների մասին՝ [Նահանգապետի N-62-20 Գործադիր Հրամանը](#):

☐ Ստանալով տեղեկատվություն մեկ կամ ավելի աշխատակիցների՝ COVID-19-ի թեստի դրական արդյունքի կամ COVID-19-ին նման ախտանշանների ի հայտ գալու մասին՝ գործատուն ունի գործող պլան կամ արձանագրություն՝ հիվանդ անձի (անձանց) տնային մեկուսացման և նրանց հետ շփում ունեցած բոլոր աշխատակիցների անմիջապես ինքնակարանտինի ենթարկվելու պահանջի վերաբերյալ: Գործատուի պլանում պետք է ընդգրկվի արձանագրություն՝ կարանտինի մեջ գտնվող բոլոր աշխատակիցների համար COVID-19 թեստի հասանելիության նպատակով՝ պարզելու համար, թե արդյոք աշխատավայրում եղել են շփման լրացուցիչ դեպքեր, որոնք կարող են պահանջել COVID-19-ի վերահսկման լրացուցիչ միջոցառումներ: Տես՝ Հանրային Առողջապահության ցուցումները [աշխատավայրում COVID-19-ին արձագանքելու վերաբերյալ](#):

☐ [Աշխատակիցների ստուգումները](#) իրականացվում է՝ նախքան նրանց կթույլատրվի աշխատավայր մտնել: Ստուգումները պետք է ներառեն հազի, շնչարգելության, դժվարացած շնչառության, ջերմության կամ դողերոցքի դիտարկում, ինչպես նաև հարցում, թե արդյոք անհատը գտնվում է ընթացիկ մեկուսացման կամ կարանտինի հրամանների ներքո: Այս ստուգումները կարող են կատարվել հեռավար կարգով կամ անհատապես՝ աշխատակցի ժամանելուն պես: Հնարավորության դեպքում աշխատավայրում պետք է կատարվի ջերմաչափում:

☐ Հաստատությունում 14 օրվա ընթացքում 3 կամ ավելի դեպքերի բացահայտման դեպքում գործատուն պետք է զեկուցի դեպքերի մասին Հանրային Առողջապահության Վարչությանը՝ (888) 397-3993 կամ (213) 240-7821 հեռախոսահամարներով: Եթե աշխատավայրում վարակված խումբ է հայտնաբերվում, Հանրային Առողջապահության Վարչությունը խմբի նկատմամբ արձագանք կնախաձեռնի, որը ներառում է՝ վարակի վերահսկման ցուցումների և խորհուրդների տրամադրում, մասնագիտական օժանդակություն և հաստատության համար առանձնահատուկ վերահսկման միջոցառումներ: Կնշանակվի խմբի հետազոտման գործի ղեկավար՝ օգնելու ուղղորդել հաստատության արձագանքը:

☐ Այն աշխատակիցները, ովքեր շփվում են ուրիշների հետ, անվճար տրամադրվում է դեմքի ծածկոց, որը ծածկում է քիթը և բերանը: Աշխատակիցը պետք է մշտապես կրի դիմակը ողջ աշխատանքային օրվա ընթացքում՝ այլ անձանց հետ շփվելու կամ շփման հավանականության պարագայում: Աշխատակիցները, ում բուժաշխատողները հանձնարարել են չկրել դեմքի ծածկոցներ, պետք է կրեն ներքևի եզրին շղարշ ունեցող դեմքի վահաններ, որպեսզի համապատասխանեն Նահանգային պահանջների պայմաններին, եթե միայն նրանց վիճակը դա թույլ է տալիս: Նախընտրելի են այն տեսակի շղարշները, որոնք մարմնի ձևն են ստանում կգակի տակ: Միակողմանի փականներ ունեցող դիմակները չպետք է օգտագործվեն: Աշխատակիցները կարիք չունեն դեմքի

ծածկոցներ կրել, երբ մենակ են անձնական գրասենյակում կամ ամուր միջնապատերով առանձնացված աշխատախցում, որի միջնապատերի բարձրությունը գերազանցում է աշխատակցի հասակը կանգնած ժամանակ:

- ❑ **Համաձայն COVID-19-ի ՎԵՐԱՀՍԿՄԱՆ ԱՌՈՂՋԱՊԱՀՈՒԹՅԱՆ ՊԱՏԱՍԽԱՆԱՏՈՒԻ ՀՐԱՄԱՆԻ՝ ԿԱՐԳ 1 ՆՇԱՆԱԿԱԼԻ ԱՐՁԱԳԱՆՔԻ**, որը տրվել է 2020թ.-ի Նոյեմբերի 28-ին, բոլոր աշխատակիցները պետք է դեմքի ծածկոցներ կրեն, բացառությամբ այն պահերի, երբ միայնակ աշխատում են անհատական գրասենյակներում, որոնց դռները փակ են, կամ երբ ուտում կամ խմում են: Նախկինում կատարված բացառությունը, որը կատարվել է աշխատողների հասակը գերազանցող ամուր միջնապատերով խցիկներում աշխատող աշխատողների համար, փոխարինվել է ժամանակավոր հրամանով հետևյալ գործող ժամանակահատվածում՝ 2020 թ.-ի Նոյեմբերի 30-ի առավոտյան ժամը 12: 01-ից (PST) մինչև հետագա ծանուցում:
- ❑ **Դիմակների հետևողական և ճշգրիտ կիրառումն ապահովելու համար աշխատակիցներին չի խրախուսվում ուտել կամ խմել՝ բացառությամբ իրենց ընդմիջումների ժամերը**, երբ նրանք կարող են անվտանգ կերպով հանել իրենց դիմակները և մյուսներից ֆիզիկական հեռավորություն պահպանել: Ուտելիս կամ խմելիս աշխատակիցները պետք է մյուսներից առնվազն վեց ոտնաչափ հեռավորություն պահպանեն: Նախընտրելի է ուտել կամ խմել դրսում և հնարավորության դեպքում մյուսներից հեռու: Խցիկում կամ աշխատավայրում ուտելը կամ խմելը ավելի նախընտրելի է, քան ընդմիջման սենյակում ուտելը, եթե խցիկում կամ աշխատավայրում ուտելը մյուսներից ավելի շատ հեռավորություն և միջնապատեր է ապահովում:
- ❑ **Չբաղվածությունը կրճատվել է, և աշխատողների միջև տարածությունն առավելագույնի է հասցվել ցանկացած սենյակում կամ տարածքում**, որն աշխատակիցներն օգտագործում են ճաշերի և/կամ ընդմիջումների համար: Այս պահանջին հնարավոր է հասնել հետևյալ կերպ.
  - Նշել առավելագույն զբաղվածությունը, որը համապատասխանում է ընդմիջումների համար օգտագործվող սենյակներում կամ տարածքներում առնվազն վեց ոտնաչափ հեռավորության ապահովմանը.
  - Փոփոխել ընդմիջումների կամ ճաշի ժամերը՝ ճաշերի և ընդմիջումների համար օգտագործվող սենյակներում կամ տարածքներում զբաղվածության թիվը նվազեցնելու համար, և
  - Սեղանները դնել վեց ոտնաչափ հեռավորության վրա և ապահովել նստատեղերի միջև վեց ոտնաչափ հեռավորությունը, նստատեղերը հեռացնել կամ ժապավեններ կպցնել՝ զբաղվածությունը նվազեցնելու համար, հատակների վրա գծանշումներ դնել՝ հեռավորությունն ապահովելու համար, և նստատեղերը դասավորել այնպես, որ նվազագույնի հասցվի դեմ առ դեմ շփումը: Միջնապատերի օգտագործումը խրախուսվում է՝ տարածման հետագա կանխարգելման համար, բայց չպետք է համարվի զբաղվածության կրճատմանը և ֆիզիկական հեռավորության պահպանմանը փոխարինող միջոց:

- ❑ Աշխատակիցներին հանձնարարվում է ամեն օր լվանալ կամ փոխարինել կտորե դիմակները:
- ❑ Աշխատակիցներին նաև տրամադրվում են ձեռնոցներ՝ հաճախակի դիպչող մակերեսների հետ գործ ունենալիս կամ ախտանշանների ստուգման ժամանակ

օգտագործման համար:

- Աշխատակիցներին հրահանգվել է ապահովել այցելուներից և միմյանցից առնվազն վեց (6) ոտնաչափ հեռավորություն Ցերեկային ճամբարի ամբողջ տարածքում: Աշխատակիցները կարող են միայն ակնթարթորեն մոտենալ երեխաներին օգնություն ցուցաբերելու կամ անհրաժեշտ այլ նպատակով:
- Սանհանգույցները և այլ ընդհանուր օգտագործման տարածքները պարբերաբար պիտտահանվում են հետևյալ ժամանակացույցով`
  - o Սանհանգույցներ` \_\_\_\_\_
  - o Այլ` \_\_\_\_\_

Ախտահանիչները և այլ պարագաները հասանելի են աշխատակիցների համար հետևյալ վայր(եր)ում.

COVID-19-ի դեմ արդյունավետ ձեռքերի ախտահանիչը հասանելի է աշխատակիցների համար հետևյալ վայր(եր)ում.

- Աշխատակիցներին հաճախակի հիշեցվում է ձեռքերը լվանալու մասին:
- Սույն արձանագրության պատճեն բաժանվել է բոլոր աշխատակիցներին:
- Հնարավորության սահմաններում յուրաքանչյուր աշխատակցի հրահանգվել է բերել իրենց սեփական օգտագործման պարագաները` հեռախոսների, պլանշետների, երկկողմանի ռադիոկապի միջոցների, այլ աշխատանքային պարագաների կամ գրասենյակային պիտույքի համատեղ օգտագործումից խուսափելու համար: Նրանց նաև հրահանգվել է երբեք համատեղ չօգտագործել անձնական պաշտպանիչ պարագաները:
- Այն դեպքում, երբ իրեն անհրաժեշտ են կիրառել համատեղ, դրանք պիտտահանվում են համապատասխան նյութերով` կիրառության հերթափոխների միջև, ներառելով հետևյալը` համատեղ օգտագործման գրասենյակային պիտույքներ, ինչպիսիք են լուսապատճենման սարքերը, ֆաքսը, տպիչները, հեռախոսները, ստեղնաշարերը, դակիչները, նամակների բացման պարագաները, ընդունարանի շփման մակերեսները, համատեղ կիրառության աշխատանքային պիտույքը, աուդիո և վիդեո սարքերը, ռադիոները, և այլ:
- Աշխատակիցներին տրամադրվում է ժամանակ` հերթափոխների ընթացքում մաքրման աշխատանքներ իրականացնելու համար: Մաքրման աշխատանքները հանձնարարվում են աշխատանքային ժամերի ընթացքում` որպես աշխատակիցների աշխատանքային պարտականությունների մի մաս: Անհրաժեշտության դեպքում փոփոխեք ժամերը` կանոնավոր կերպով և ինսամքով մաքրում ապահովելու նպատակով: Անհրաժեշտության դեպքում պետք է կապ հաստատվի մաքրման գործունեությամբ զբաղվող երրորդ կողմի հետ` մաքրման գործողությունները պատշաճ իրականացնելու համար:
- Հսկեք աշխատակիցների բացակայությունը և ունեցեք համապատասխան որակավորում ունեցող փոխարինող անձնակազմի ցուցակ:
- Աշխատեք գրասենյակներում կամ այլ աշխատատեղերում տեղադրել բարձրորակ օդային մաքրող սարքեր, արդիականացնել շենքի օդային ֆիլտրերը հնարավորինս բարձր արդյունավետությամբ աշխատելու նպատակով և կատարել այլ փոփոխություններ` գրասենյակների և այլ վայրերում օդի և օդափոխության որակը բարձրացնելու համար:
- Կարգավորեք անձնակազմի հանդիպումները` ֆիզիկական հեռավորություն

ապահովելու նպատակով և անցկացրեք ավելի քիչ քանակությամբ անհատական հանդիպումներ՝ ֆիզիկական հեռավորության պահանջները պահպանելու համար:

- ❑ Հնարավորության դեպքում աշխատողների հետ հանդիպումներն անցկացրեք հեռախոսով, վեբինարի միջոցով կամ դրսում: Հնարավորության դեպքում հաշվի առեք վիրտուալ հարցազրույցների հավանականությունը նոր աշխատակիցների հարցազրույցների դեպքում:
- ❑ Այս ցուցակում նկարագրված բոլոր քաղաքականությունները, բացի աշխատանքային պայմաններին վերաբերող քաղաքականությունից, տարածվում են նաև առաքման անձնակազմի և ցանկացած այլ կազմակերպության վրա, որոնք կարող են տարածքում գտնվել որպես երրորդ կողմ:
- ❑ Ընտրովի—Նկարագրեք այլ միջոցներ:

**Բ. ՖԻԶԻԿԱԿԱՆ ՀԵՌԱՎՈՐՈՒԹՅԱՆ ԱՊԱՅՈՎՄԱՆ ՄԻՋՈՑԱՌՈՒՄՆԵՐ**

- ❑ Ապահովեք այցելուների և այլ աշխատակիցների միջև առնվազն 6 ոտնաչափ ֆիզիկական հեռավորության պահպանման միջոցառումներ: Դրանք կարող են ներառել Plexiglas պատնեշների տեղադրումը այցելուների և աշխատակիցների միջև խանութներում, ընդունարաններում, կամ այցելուների սպասարկման կենտրոններում՝ կիրառելով տեսանելի ցուցանակներ հերթերում հեռավորության պահպանման համար: Այցելուները պետք է նաև ուղղորդվեն, թե որտեղ կանգնել՝ կիրառելով տեսողական կամ ձայնային ցուցումներ ջրայցակայաններում, աղբանոցներում, գազայցակայաններում և այլ նմանատիպ ծառայությունների վայրերում սպասելիս:
- ❑ Աշխատակիցներին հիշեցվում է խուսափել ձեռքսեղմումներից, բռունցքներով կամ արմուկներով հարվածելուց և այլ ֆիզիկական շփման ձևերից:
- ❑ Տեսուչները պետք է հսկեն տարածքները, որտեղ հավանական է մարդկանց խմբավորումը՝ ապահովելու համար ֆիզիկական հեռավորությունը և այլ ցուցումները: Այս տարածքները կարող են ներառել լողանալու տարածքները, սպորտային դաշտերը, անվաչմուշկների այգիները, կաճանները, հանրային վայրերը, զբոսախնջույքների վայրերը: Տեղադրեք ֆիզիկական հեռավորության պահպանման ցուցանակներ:
- ❑ Հետևյալ տարածքները մտնում են փակ՝ բասկետբոլի, թենիսի և վոլեյբոլի դաշտերը, մագլցման կառույցները և խաղահրապարակները:
- ❑ Այն հաստատությունների համար, որոնք իրականացնում են վճարովի վերահսկվող բացօթյա գործունեություն, հաշվի առեք ամրագրման համակարգերի կիրառությունը՝ այցելուների քանակը սահմանափակելու նպատակով:
- ❑ Հաշվի առեք հեռավար գրանցման հնարավորությունները ճամբարային տարածքների և հանգստի ավտոտնակների կայանատեղիների նոր այցելությունների դեպքում: Տեղադրեք ցուցանակներ այգու մուտքի մոտ՝ տեղեկացնելու այցելուներին նրանցից ակնկալվող գործողությունների մասին: Տեղադրեք հեռախոսահամար, օրինակ, այցելուների հետ կապվելու համար՝ նրանց կողմից գրանցման տարածք մուտքից խուսափելու համար: Հնարավորության դեպքում խրախուսեք առցանց վճարումների, տեղում վճարման կայանների, վարկային քարտերով կամ հեռախոսով վճարման օգտագործումը:
- ❑ Եթե հեռավար գրանցումները հնարավոր չեն, գրանցեք այցելուներին դրսում և ստացականները ուղարկեք էլեկտրոնային փոստի միջոցով: Անհրաժեշտության դեպքում

ուղեկցեք կամ ուղղորդեք այցելուներին անմիջապես իրենց այցելության վայր՝ հասնելուն պես հետևելով ֆիզիկական հեռավորության պահանջներին: Միայն մեկ ընտանիք պետք է զբաղեցնի յուրաքանչյուր ճամբարային կամ վարձակալման տեղանքը, իսկ չգրանցված այցելուների մուտքը ճամբարային տարածք կամ հանգստի ավտոտնակների կայանատեղ պետք է արգելվի:

- ❑ Հաշվի առեք այցելուների կողմից անհրաժեշտ պարագաների՝ հանրախանութից նախապես գնելու անհրաժեշտությունը՝ ներառյալ վառելափայտ, մոմեր, կամ այլ ապրանքներ և ունեցեք աշխատակիցներ, որոնք կապահովեն պարագաների առաքումը ճամբարային տարածք կամ կայանատեղի:
- ❑ Հավաքատեղիների և խմբակային գործունեության բացօթյա տարածքները, ներառյալ տաղավարները, խարույկների տարածքները, հանրային կիրառության խոհանոցները և ամֆիթատրոնները պետք է փակ մնան: Հեռացրեք, առանձնացրեք, տեղադրեք փակման ցուցանակներ կամ ժապավեններով փակեք բոլոր նստարանները, ընդհանուր զբոսախնջույքի սեղանները, բազմամարդ նստելավայրերը (ներառյալ՝ խարույկների շուրջ նստատեղերը) այցելուների կողմից խմբավորումներից խուսափելու համար:
- ❑ Բոլոր հանրային միջոցառումները և/կամ խմբակային հավաքները, ներառյալ խմբային զբոսախնջույքները, խմբային ճամբարները, բացօթյա ամֆիթատրոններում ցուցադրությունները, երաժշտական կամ այլ միջոցառումները պետք է արգելվեն կամ հետաձգվեն:
- ❑ Ավելի փոքր զբոսախնջույքների վայրերը, որոնք հիմնականում նախատեսված են ընտանիքներով հավաքների համար, կարող են բացվել՝ ֆիզիկական հեռավորության ապահովման ցուցումների մասին նշանների տեղադրման պայմանով (օրինակ՝ սահմանափակում մինչև միայն մեկ ընտանիքի համար):
- ❑ Ստուգեք ճամբարային տարածքները կամ հանգստի ավտոտնակների կայանատեղիները՝ որոշելու համար, թե արդյոք տարածքը պետք է ավելի քիչ քանակությամբ այցելուներ սպասարկի՝ ֆիզիկական հեռավորությունն ապահովելու համար:

**ԲԱՅՕԹՅԱ ՄԻՋՈՑԱՌՈՒՄՆԵՐ**

- ❑ Տեսուչները պետք է ձեռնարկեն քայլեր՝ հավաստիանալու, որ բարձր վտանգ ներկայացնող գործողությունները, այդ թվում՝ այնպիսիք, որոնք դեռևս ներառված չեն նահանգային ուղեցույցներում, չեն անցկացվում իրենց տարածքներում:
- ❑ Ստուգեք հանգստի պարագաների վարձակալման գործընթացները և որոշեք, թե արդյոք կա բավարար աշխատակազմի կարողություն և առկա մաքրման և ախտահանման միջոցներ՝ նման գործողությունները վերսկսելու համար: Հավելյալ տեղեկությունների համար տե՛ս շրջանային ցուցումների [բացօթյա պարագաների վարձույթ](#) բաժինը:
- ❑ Անհրաժեշտության դեպքում ձևափոխել բացօթյա հանգստի միջոցառումները՝ պատշաճ մաքրման և ախտահանման ընթացակարգերը հնարավոր դարձնելու համար:
- ❑ Հետևեք շրջանային կայքէջում առկա ցուցումներին՝ բացօթյա տարբեր միջոցառումների, ինչպիսիք են նետաձգությունը, թենիսը, արահետավազքը և այլն, համոզվելու համար, որ հետևում եք վարակի պատշաճ վերահսկման և ֆիզիկական հեռավորության արձանագրություններին <http://www.ph.lacounty.gov/media/Coronavirus/>:
- ❑ «Փափուկ իրերի» (փրկարարական բաճկոններ, սուզակների արտահագուստ, պարաններ, թամբի պայուսակներ կամ ուսապարկեր) ախտահանումը հավելյալ բարդություն է ներկայացնում: Նման հարմարանքներն անհրաժեշտ է մանրակրկիտ և

արդյունավետ մաքրել՝ թույլատրելով կիրառության միջև բավականաչափ ժամանակահատվածի պահպանումը՝ առնվազն 3 օր՝ նվազագույնի հասցնելու COVID-19-ի փոխանցման վտանգը:

- ❑ Սերտ շփման ծրագրերը և սպորտը, որոնք պահանջում են վեց ոտնաչափից քիչ հեռավորության անհրաժեշտությունն տարբեր ընտանիքների ներկայացուցիչների միջև, պետք է արգելվեն: Սրանք ներառում են այնպիսի միջոցառումներ, ինչպիսիք են խմբակային մարզական միջոցառումները, բասկետբոլը, միջմարզական միջոցառումները, մրցավազքերը կամ պարերը:
- ❑ Սահմանափակեք սերտ շփում պահանջող բացօթյա հանգստի միջոցառումները մինչև մեկ ընտանիքի համար: Սրանք ներառում են նավակի վարձույթները, պարանի կամ պատի մազվցման գործողությունները: Ճամբարային տարածքներում և հանգստի ավտոտնակների կայանատեղիներում աշխատեք ապահովել մեկ ընտանիքի անդամների մասնակցությամբ զբոսանքների, կինոդիտումների, մինի գուլֆի, որսի և այլ գործողությունների անցկացումը ֆիզիկական հեռավորության պահպանման պայմաններում:
- ❑ Սաղավարտներով, հանդերձանքով, պաշտպանիչ հագուստով կամ այլ պարագաներով մարդկանց ապահովելու ժամանակ աշխատակազմը պետք է պահպանի ֆիզիկական հեռավորությունը: Հնարավորության դեպքում անձնակազմը պետք է ցույց տա, թե ինչպես պատշաճ կերպով տեղադրել և հանել սարքավորումները, այլ ոչ թե խախտի ֆիզիկական հեռավորությունը՝ աջակցություն ցուցաբերելու համար:

**ՀԱՆՐԱՅԻՆ ՍԱՆՋԱՆԳՈՒՅՑՆԵՐ ԵՎ ԼՈՂԱՍԵՆՅԱԿՆԵՐ**

- ❑ Հանրային սանհանգույցները պետք է մաքրվեն և ախտահանվեն օրվա ամբողջ ընթացքում: Ճամբարային տարածքի, հանգստի ավտոտնակների և հանգստի գոտիների առավելագույն ծանրաբեռնվածությունը պետք է հիմնված լինի գործող սանհանգույցների թվի վրա, որոնք կարելի է օգտագործել ֆիզիկական հեռավորության պահանջների ապահովման պայմաններում:
- ❑ Համատեղ օգտագործման սանհանգուցային սենյակները պետք է պարբերաբար մաքրվեն ՝ օգտագործելով Շրջակա Միջավայրի Պաշտպանության Գործակալության կողմից հաստատված ախտահանիչ նյութերով: Հաճախակի շփման մակերեսները, ինչպիսիք են ծորակները, զուգարանակոնքերը, դռան բռնակները և լույսի անջատիչները պետք է հաճախակի մաքրվեն և ախտահանվեն: Աշխատակիցները պետք է վերապատրաստվեն նոր նյութերի պատշաճ կիրառության և դրանց վտանգավորության համար՝ ըստ Կալիֆորնիայի Չբաղվածության Անվտանգության և Առողջապահության ակտի ցուցումների, և պետք է ապահովվեն հատուկ մաքրող միջոցների կիրառության անհրաժեշտ պաշտպանիչ պարագաներով, ինչպիսիք են աչքերի պաշտպանիչ ակնոցները կամ ձեռնոցները:
- ❑ Կազմեք և փակցրեք մաքրման ժամանակացույց բոլոր բաց սանհանգույցներում: Փակցրեք ժամանակացույցը մուտքի դռան վրա, որպեսզի այցելուները իմանան, թե երբ կարող են կամ չեն կարող օգտվել սանհանգույցներից: Անպայման փակեք սանհանգույցի դուռը մաքրման աշխատանքների ընթացքում:
- ❑ Հաշվի առեք ստուգաթերթիկների կամ մշտադիտարկման համակարգերի կիրառությունը՝ ստուգելու, թե ինչ հաճախականությամբ են իրականացվում մաքրման աշխատանքները:
- ❑ Թույլատրեք լոգարանների օգտագործումը միայն երբ տեղադրված են անհրաժեշտ միջնապատեր կամ անհրաժեշտ ցուցանակներ՝ ֆիզիկական հեռավորության



պահպանման ցուցումներով: Եթե միջնապատերի կամ ցուցանակների կիրառությունը հնարավոր չէ, այս տարածքները պետք է մնան փակ:

- ❑ Ապահովեք սանիտարական հարմարությունների գործարկման և անհրաժեշտ պարագաներով ապահովվածության մակարդակը: Անհրաժեշտության դեպքում տրամադրել հավելյալ օճառ, թղթե սրբիչներ և անձեռոցիկներ, ձեռքի ախտահանիչներ: Հնարավորության դեպքում տեղադրեք սենսորային սարքավորումներ՝ ներառյալ շարժողական սենսորային լվացարաններ, ծորակներ, օճառի, ախտահանիչ լուծույթների և թղթե սրբիչների սարքեր:
- ❑ Բազմատեղ սանհանգույցների դռները պետք է հնարավոր լինի բացել և փակել՝ առանց բռնակներին դիպչելու: Եթե դռները հնարավոր չի բացել առանց բռնակներին դիպչելու, ապա դուռը պահեք բաց վիճակում և կամ դռան մոտ տեղադրեք աղբաման, որպեսզի հնարավոր լինի դրանց մեջ նետել թղթե անձեռոցիկները դուռը բացելու ժամանակ: Աղբամանների տեղադրությունը չպետք է խանգարի տարհանման կամ արտակարգ իրավիճակներում ելքի կամ այլ ցուցումներին որոնք սահմանված են Հաշմանդամություն ունեցող Ամերիկացիների մասին Հրամանագրում: Ապահովեք աղբամանների կանոնավոր դատարկումը:
- ❑ Ճամբարային տարածքների, հանգստի ավտոտնակների կայանատեղիների և բացօթյա հանգստի գոտիների այցելուներին պետք է տեղեկացվի, որ լվացարանները կարող են հանդիսանալ վարակի տարածման աղբյուր և պետք է խուսափել դրանցում անմիջականորեն ատամի խոզանակ կամ այլ պարագաներ դնելուց: Անձնական իրերի համար կարող են օգտագործել տոպրակներ, սահմանափակելու համար դրանց շփումը սանհանգույցի մակերեսների հետ:
- ❑ Ճամբարային տարածքների և հանգստի ավտոտնակների կայանատեղիների այգիների դեկավարությունը պետք է խրախուսի հյուրերի կեցությունը սանհանգույց և լոգանքի հարմարություն ունեցող փոխադրամիջոցներում՝ հնարավորության դեպքում սեփական հարմարություններից օգտվելու և հանրային հարմարանքներից խուսափելու նպատակով:
- ❑ Տրամադրեք տեղեկատվություն ձեռքերի պատշաճ լվացման վերաբերյալ՝ ներառյալ սանհանգույցներում կախված ցուցանակները:

**ԼՈՂԱՎԱՉԱՆՆԵՐ ԵՎ ՋՐԱՅԻՆ ՀԱՐՄԱՐՈՒԹՅՈՒՆՆԵՐ**

- ❑ Ներկայումս թույլատրվում է բացել միայն բացօթյա լողավազանները, այն բացառությամբ, որ դրանք կարող են օգտագործվել միայն կարգավորվող շարքով լողալու համար (մեկ լողորդ մեկ շարքում):
- ❑ Սառնաները, շոգեբաղնիքները և տաք ավազանները պետք է մնան փակ:
- ❑ Պահպանեք ախտահանիչների ճիշտ մակարդակը (1-10 ppm ազատ քլորին կամ 3-8 ppm բրոմին) և pH (7.2-8):
- ❑ Խորհրդակցեք ընկերության կամ ճարտարագետի հետ, որը նախագծել է ջրային հարմարությունը՝ որոշելու, թե Շրջակա Միջավայրի Պաշտպանության Գործակալության կողմից հաստատված որ ախտահանիչ միջոցներն են լավագույնը ջրային միջավայրում: Ապահովեք ախտահանիչ միջոցների անվտանգ և ճիշտ օգտագործումը և պահպանումը, ներառյալ երեխաներից հեռու պահելը:
- ❑ Ստեղծեք համակարգ, որպեսզի կահույքն ու սարքավորումները (օրինակ՝ հանգստավետ բազկաթոռները), որոնք մաքրելու և ախտահանելու կարիք ունեն, առանձին պահվեն արդեն իսկ մաքրված և ախտահանված կահույքից: Պիտակավորեք պահեստավորման բոլոր արկղերը, օգտագործված սարքավորումների համար, որոնք դեռ չեն մաքրվել և

ախտահանվել, առանձնացնելով արդեն ախտահանված սարքավորումներից:

- ❑ Խրախուսեք այցելուներին՝ իրենց հետ բերել և օգտագործել անձնական սրբիչներ: Եթե սրբիչներ տրամադրվում են, ապա լվացեք դրանք և հագուստեղենը՝ համապատասխան արտադրողի ցուցումների: Ջրի համար ընտրեք առավելագույն բարձր ջերմությունը և ամբողջովին չորացրեք լվացած իրերը: Սրբիչներին դիպեք մեկանգամյա օգտագործման ձեռնոցներով և մի թափահարեք դրանք:
- ❑ Մի խրախուսեք մարդկանց կողմից պարագաների համատեղ օգտագործումը, հատկապես այն պարագաների, որոնք դժվար են մաքրվում կամ ախտահանվում կամ նախատեսված են դեմքի հետ շփման համար (օրինակ՝ ակնոցներ, քթի սեղմակներ, լողադիմակներ):
- ❑ Համոզվեք, որ հաստատությունն ունի բավարար սարքավորումներ այցելուների համար, ինչպիսիք են լողատախտակները, լողախողովակները և այլ փչովի հարմարանքները՝ հնարավորության դեպքում նվազեցնելու համար դրանց համատեղ օգտագործումը: Սահմանափակեք սարքավորման օգտագործումը մեկ անձով, և մաքրեք ու ախտահանեք իրերը յուրաքանչյուր օգտագործումից հետո:
- ❑ Փոխեք տախտակամածի դիրքը և լողավազանի շրջակա տարածքները այնպես, որ կանգնելու և նստելու տեղերը համապատասխանեն ֆիզիկական հեռավորության ապահովման պահանջներին: Դա կարող է ներառել հանգստավետ բազկաթոռների հեռացումը կամ ժապավենով դրանց փակումը՝ օգտագործումն արգելելու նպատակով:
- ❑ Ապահովեք ֆիզիկական ցուցանակներ կամ ուղեկիշներ (օրինակ՝ ուղեգծեր ջրում կամ աթոռներ և սեղաններ տախտակամածին) և ցուցանակներ՝ հավաստիանալու համար, որ աշխատակազմը, այցելուները և լողորդներն իրարից գտնվում են առնվազն վեց ոտնաչափ հեռավորության վրա՝ թե՛ ջրում և թե՛ ջրից դուրս:
- ❑ Որտեղ հնարավոր է, տեղադրեք անթափանցելի ֆիզիկական պատնեշներ, ինչպես օրինակ Plexiglas-ը, այն վայրերում, որտեղ այցելուները պետք է առնչվեն միմյանց հետ, և ֆիզիկական հեռավորությունը պահպանելը դժվար է:
- ❑ Հաշվի առեք լողավազաններում վերապահված համակարգի և այլ մեխանիզմների կիրառությունը՝ ֆիզիկական հեռավորության պահպանման նպատակով: Սա կարող է ներառել, օրինակ, մեկ ամբողջական լողուղու վարձույթը մեկ մարդու համար:
- ❑ Ապահովեք, որ փրկարարները պարտավոր չլինեն վերահսկել ձեռքերի լվացման, դիմակների կրման, ֆիզիկական հեռավորության պահպանման գործընթացները: Վերահսկման այս պատասխանատվությունը հանձնարարեք աշխատակազմի մեկ այլ անդամի:
- ❑ Ջրային տարածքներում չպետք է խրախուսվեն խմբային միջոցառումները:

**ՏՆԱԿՆԵՐ ԵՎ ՎԱՐՁԱՎԱԼՄԱՆ ՄԻԱՎՈՐՆԵՐ**

- ❑ Տնակներ կամ այլ վարձակալական միավորներ ունեցող ճամբարային տարածքները և հանգստի ավտոտնակների կայանատեղիները պետք է պատշաճ միջոցներ ձեռնարկեն այդ տարածքները յուրաքանչյուր օգտագործումից հետո մաքրելու և ախտահանելու համար: Դա ներառում է մահճակալների ճաղերի, սեղանների, հեռուստացույցի հեռակառավարման վահանակների, մահճակալների գլխամասերի, վաճառասեղանների, խոհանոցային պարագաների, սառնարանի բռնակների, գազօջախի գլխիկների, հայելիների և այլ առարկաների սրբումն ու մաքրումը:
- ❑ Յուրաքանչյուր այցելուից հետո ամբողջ սպիտակեղենը, պետք է հեռացվի և լվացվի, այդ թվում՝ այն իրերը, որոնք չեն օգտագործվել: Վարձակալման միավորներում անկողնային

պարագաները, սրբիչները և լվացված այլ պարագաները մաքրելիս համոզվեք, որ անձնակազմի անդամները կեղտոտ լվացքի հետ գործ ունենալիս կրում են ձեռնոցներ և դեն են նետում դրանք յուրաքանչյուր օգտագործումից հետո: Ձեռնոցները հանելուց հետո անմիջապես լվացեք ձեռքերը: Մի պահեք հավելյալ սպիտակեղեն վարձակալման բաժնում: Այդպիսի պարագաները տրամադրեք միայն ըստ պահանջի:

- ❑ Մի թափահարեք կեղտոտ լվացքը: Դա նվազագույնի կհասցնի օդի մեջ վիրուսի տարածումը: Իրերը լվացեք ըստ արտադրողի ցուցումների: Հնարավորության դեպքում օգտագործեք ջրի թույլատրվող ամենատաք ջերմաստիճանը և ամբողջովին չորացրեք իրերը: Մաքրեք և ախտահանեք լվացքի զամբյուղները՝ ըստ մակերեսների համար նախատեսված վերը նշված ուղեցույցի: Հնարավորության դեպքում զամբյուղներում տեղադրեք տոպրակներ, որոնք նախատեսված են մեկանգամյա օգտագործման և դեն նետելու համար, կամ յուրաքանչյուր օգտագործումից հետո կարող են լվացվել:
- ❑ Խոհանոցային պարագաները, այդ թվում՝ ամանները, թավաներն ու սպասքը, յուրաքանչյուր այցելուից հետո պետք է մանրակրկիտ ձևով մաքրվեն օճառով ու տաք ջրով, և ցանկալի է լվանալ ամաններ լվացող սարքի մեջ: Տրամադրեք ափսեների լվացման համար բավարար օճառ և նոր, չօգտագործված սպունգներ յուրաքանչյուր այցելուի ժամանումից հետո: Հնարավորության դեպքում քննարկեք սպասքը մեկանգամյա օգտագործման պարագաներով փոխարինելու հնարավորությունը:
- ❑ Քննարկեք այցելուի մեկնելուց հետո 24-ժամյա սպասածամանակի հնարավորությունը, ճամբարային տարածքներին պատկանող կացարանների, այդ թվում՝ վարձակալման միավորների մաքրումից առաջ:
- ❑ Մեծ հավաքույթների, ներառյալ՝ գիտաժողովների կամ ժողովների համար նախատեսված վարձակալման ցանկացած միավոր չպետք է բացվի մինչև այս գործողությունների սկսվելը:

**ՍՆՈՒՆԴ ԵՎ ՃԱՇ**

- ❑ Հետևեք Հանրային Առողջապահության Վարչության՝ ռեստորաններին վերաբերող Ուղեցույցին՝ սննդի և [ճաշի](#) հետ կապված ցուցումների համար:
- ❑ Հանգստի բացօթյա օպերատորները չպետք է կազմակերպեն կոմունալ սննդի փոխանակում (potluck) կամ ուտելու և խմելու նմանատիպ այլ՝ ընտանեկան ոճի միջոցառումներ, որոնք ավելացնում են խաչաձև աղտոտման վտանգը: Եթե անհրաժեշտ է մատուցել կամ համատեղ օգտագործել սնունդ և ըմպելիքներ, հնարավորության դեպքում տրամադրեք մեկանգամյա օգտագործման իրեր: Սնունդ մատուցող անձնակազմը կամ կամավորները պետք է հաճախակի լվանան իրենց ձեռքերն ու կրեն մեկանգամյա օգտագործման ձեռնոցներ ու դիմակներ:

**ԼՎԱՑՔԻ ՍԵՆՅԱԿՆԵՐ**

- ❑ Անհրաժեշտության դեպքում լվացքի սենյակների աշխատանքային ժամերը հարմարեցրեք այնպես, որ անձնակազմը համապատասխան ժամանակ ունենա՝ հաճախակի մաքրելու և ախտահանելու լվացքի մեքենաների կափարիչներն ու դռները, Էկրանները, սեղանի երեսները և վաճառասեղանները, աթոռները կամ նստարանները, օճառի սարքերը, լվացարանները և այլ տարածքները:
- ❑ Քննարկեք լվացքի սենյակում ձեռքերի ախտահանիչ միջոցի և ախտահանող անձեռոցիկների տեղադրման հնարավորությունը, որպեսզի այցելուները կարողանան սրբել տարածքը՝ մեքենան օգտագործելուց առաջ և հետո:

- ❑ Լվացքի սենյակներից հեռացրեք բոլոր խաղերը, գրքերը, բրոշյուրները և այլ առարկաները: Հեռացրեք լվացքի զամբյուղներն ու աղբարկղերը, եթե այդպիսիք տրամադրվում են:
- ❑ Զննարկեք լվացքի սենյակների համար պայմանավորվածությունների համակարգի մշակման հնարավորությունը, որպեսզի անձնակազմը իմանա, թե երբ են օգտագործվում սենյակները, և այցելուները կարողանան խուսափել ոչ անհրաժեշտ շփումներից: Լվացքի սենյակները պլանավորված պայմանավորվածությունների միջև արգելափակված պահեք, որպեսզի բավարար ժամանակ ապահովեք մաքրման աշխատանքների համար:
- ❑ Եթե պայմանավորվածությունների համակարգի մշակումը հնարավոր չէ, ապա պահպանեք ֆիզիկական հեռավորություն՝ փակելով յուրաքանչյուր հաջորդ մեքենան, որպեսզի այցելուները կարողանան միմյանցից վեց ոտնաչափ ֆիզիկական հեռավորություն պահպանել:
- ❑ Խրախուսեք այցելուներին սպասել դրսում, մինչև իրենց լվացքը լվացվում/չորացվում է: Հակառակ դեպքում օգտագործեք տեսողական նշաններ, որոնք կուղղորդեն այցելուներին, թե որտեղ կանգնել, և սահմանափակեք մուտքը, որպեսզի անհատ այցելուները կարողանան օգտագործել բազմաթիվ մեքենաներ, որոնք միասին են: Որոշեք, թե որն է լինելու այցելուների առավելագույն թիվը՝ ըստ սենյակի չափի և դռան վրա մաքրման և ախտահանման ժամանակացույցերի հետ մեկտեղ տեղադրեք ցուցանակ՝ ցույց տալու, թե քանի անհատ կարող է միաժամանակ գտնվել սենյակում:

**Գ. ՎԱՐԱԿԻ ՏԱՐԱԾՄԱՆ ԿԱՌԱՎԱՐՄԱՆ ՄԻՋՈՑԱՌՈՒՄՆԵՐ**

- ❑ Կապվեք նախապես գրանցված այցելուների հետ՝ նախքան ճամբարային տարածքներ և հանգստի ավտոտնակների կայանատեղիներ նրանց այցելությունը՝ վերահաստատելու գրանցումը և տեղեկանալու համար, թե արդյոք ժամանողներից որևէ մեկի մոտ առկա չեն COVID-19-ի ախտանշաններ: Այցելուից դրական պատասխան ստանալու դեպքում հետաձգեք կամ չեղյալ համարեք այցելությունը:
- ❑ Հաստատություն ժամանող այցելուներին հիշեցվում է, որ հաստատությունում կամ դրա տարածքում գտնվելու ամբողջ ընթացքում հարկավոր է դեմքի ծածկոցներ կրել (բացառությամբ՝ ուտելիս կամ խմելիս, եթե կիրառելի է): Սա վերաբերվում է բոլոր չափահասներին և 2 տարեկան և ավելի մեծ երեխաներին: Միայն այն անձիք, ում բուժաշխատողը հանձնարարել է չկրել դեմքի ծածկոց, ազատվում են այս պահանջից: Ձեր աշխատակիցների և այլ այցելուների անվտանգությանն աջակցելու նպատակով՝ հարկավոր է դեմքի ծածկոցներ տրամադրել այն այցելուներին, ովքեր գալիս են առանց դրանց:
- ❑ Իրականացվում է ախտանիշների [ստուգումներ](#)՝ նախքան այցելուներին կթույլատրվի հաստատություն մտնել: Ստուգումները պետք է ներառեն հազի, շնչարգելության, դժվարացած շնչառության, ջերմության կամ դողերոցքի դիտարկում, ինչպես նաև արդյոք անհատը գտնվում է ընթացիկ մեկուսացման կամ կարանտինի հրամանների ներքո: Այս ստուգումները կարող են կատարվել հեռավար, անհատապես կամ այլընտրանքային եղանակներով, օրինակ՝ ստուգման առցանց համակարգերով կամ հաստատության մուտքի մոտ փակցված [նշաններով](#), որոնք տեղեկացնում են, որ նման ախտանիշներով այցելուները չպետք է տարածք մտնեն:
- ❑ Օրվա ընթացքում իրականացրեք պատշաճ մաքրման աշխատանքներ բոլոր հաճախակի օգտագործման տարածքներում, ինչպես օրինակ գրանցման տարածքում կամ

Նախասրահներում, այցելուների սպասարկման կենտրոններում, աշխատակիցների հանգստի վայրերում, սանհանգույցներում և մուտքի ու ելքի տարածքներում՝ ներառյալ աստիճանավանդակները և բազրիքները:

- Հաճախակի ախտահանեք սովորաբար օգտագործվող մակերեսները և պարագաները՝ ներառյալ տրանսպորտային միջոցների դեկերը և փոխանցման տուփի բռնակները, բանալիները, ծորակները, աղբամանները, աթոռները, համատեղ օգտագործման պարագաները, դռների բռնակները, սեղանների մակերեսները, զուգարանակոնքերը և ձեռքերի լվացման հարմարանքները:
- Բացօթյա հանգստի տեսուչները պետք է խորհրդակցեն սարքավորումները արտադրողների հետ՝ տեղեկանալու դրանց պատշաճ ախտահանման քայլերի վերաբերյալ, հատկապես՝ փափուկ և ծակոտկեն մակերեսների համար: Խրախուսեք այցելուներին՝ հնարավորության դեպքում բերել և օգտագործել իրենց անձնական պարագաները:
- Ապահովեք համապատասխան սանիտարական կյուրերի, ներառյալ՝ ձեռքերի ախտահանիչ լուծույթների և ախտահանիչ անձեռոցիկների առկայությունը ընդունելության և գրանցման տարածքներում և աշխատակիցների աշխատատեղերում:
- Հարմարությունները, ներառյալ ճանապարհային քարտեզները, գրքերը, ամսագրերը, սուրճը, ջուրը, ինքնասպասարկման կայանները (բացառությամբ սենսորային) և այցելուների համար այլ իրերը պետք է հեռացվեն ընդունելության տարածքներից՝ հպման կետերը և այցելուների փոխադրեցությունը նվազեցնելու նպատակով: Ծանապարհային քարտեզները և տպագիր տեղեկատվական այլ կյուրեր կարող են բաժանել այցելուների ժամանման պահին իրենց անհատական օգտագործման համար:
- Հնարավորության պայմաններում դժվար մաքրվող և հաճախակի շփվող իրերը, այդ թվում՝ ընդհանուր օգտագործման սեղանի խաղերը, չպետք է փոխառության հիմունքով տրվեն այցելուներին: Եթե նման իրերի փոխառությունը պարտադիր է, աշխատեք վերադարձված իրերի համար նախատեսել արկղեր՝ այլ այցելուների կողմից նույն իրի օգտագործումը ամնվազն երեք օրով հետաձգելու նպատակով:
- Հետևեք Հիվանդությունների Վերահսկման և Կանխարգելման Կենտրոնների ցուցումներին՝ ապահովելու բոլոր ջրային համակարգերի անվտանգ օգտագործումը՝ երկարատև անգործությունից հետո, Լեգեոներների հիվանդության և ջրի հետ կապված այլ հիվանդությունների վտանգը նվազեցնելու համար:
- Հաճախ առանց հոսող ջրի օգտագործման սանհանգույցները, ինչպիսիք են շարժական և պահոցային զուգարանները, ապահովված չեն ձեռքերի հիգենիայի պարագաներով: Խրախուսեք այցելուներին օգտագործել ամնվազն 60% սպիրտային հիմքով անձնական ախտահանիչ միջոցներ, նման հարմարություններից օգտվելիս: Առկայության դեպքում ապահովեք շարժական լվացարանների մատակարարումը օճառի, սրբիչների և ջրի բավարար պաշարով:
- Արագացված գրաֆիկով մաքրեք սանհանգույցները՝ խրախուսելով այցելուներին դրանց պատշաճ օգտագործումը, այլապես այցելուները խուսափելով ոչ մաքուր սանհանգույցներից, փոխարենը կօգտագործեն դրսի միջավայրը: Հնարավորության դեպքում, ապահովեք մեկանգամյա օգտագործման զուգարանակոնքերի նստատեղերի ծածկոցներ:
- Խրախուսեք այցելուներին հնարավորության պայմաններում իրենց հետ տանել իրենց կողմից բերած պարագաները՝ նվազեցնելու աղբի քանակը ճամբարային տարածքում, այգում, կամ այլ վայրում:
- Ջրալցման կայանները, հանգստի ավտոտնակների կայանատեղիների աղբանոցները,

գազալցակայանները պետք է մաքրվեն և ախտահանվեն ամեն օր, իսկ աշխատակիցները պետք է սրբեն պարագաները յուրաքանչյուր օգտագործումից հետո: Հնարավորության պայմաններում նշված վայրերում տեղադրեք ձեռքերի ախտահանիչ լուծույթներ՝ այցելուների և աշխատակիցների օգտագործման համար:

- ❑ Անձնակազմը պետք է խուսափի գործիքների, հեռախոսների, էլեկտրական սարքավորումների և գրասենյակային պարագաների համատեղ օգտագործումից, և հնարավորության պայմաններում պետք է ապահովի աշխատողներին անձնական կիրառության աշխատանքային պարագաներով: Երբեք համատեղ չօգտագործեք Անձնական Պաշտպանողական Սարքավորումները:
- ❑ Մաքրող քիմիական նյութեր ընտրելիս գործատուները պետք է օգտագործեն Շրջակա Միջավայրի Պաշպանության Գործակալության (EPA) կողմից հաստատված N ցանկում առկա COVID-19-ի դեմ օգտագործման հաստատված արտադրանքներ և հետևեն այդ արտադրանքի ցուցումներին: Օգտագործեք առաջացող վիրուսային պաթոգենների դեմ որպես արդյունավետ միջոց պիտակավորված ախտահանիչներ, լուծվող կենցաղային քլորային (բլիչ) լուծույթներ (ջրի մեկ գալոնին՝ 5 ճաշի գդալ) կամ առնվազն 70% սպիրտ պարունակող լուծույթներ, որոնք նախատեսված են մակերեսների համար: Աշխատակիցներին տրամադրեք դասընթացներ արտադրողի ցուցումների և Կալիֆորնիայի Զբաղվածության Անվտանգության և Առողջապահության Ակտի անվտանգ օգտագործման պահանջների վերաբերյալ: Մաքրող միջոցներ կամ ախտահանող նյութեր օգտագործող աշխատակիցները պետք է կրեն ձեռնոց և այլ պաշտպանիչ միջոցներ՝ ըստ արտադրանքի պահանջների:
- ❑ Յուրաքանչյուր այցելուի մեկնումից հետո բոլոր տեղանքների հարմարանքները պետք է պատշաճ կերպով սրբվեն, մաքրվեն և ախտահանվեն: Սա ներառում է խորրվածի գրիլը, աթոռները, երկրորդական բոլոր նստատեղերը (օրինակ՝ ճոճանակներ կամ նստարաններ), ջրի ծորակները և հանգստի ավտոտնակների էլեկտրական և ջրի կեռիկները:
- ❑ Համոզվեք, որ անհրաժեշտության դեպքում բոլոր աշխատակիցները վերապատրաստված են մաքրող միջոցների և ախտահանող նյութերի օգտագործման համար և ունեն դրանց բավարար մատակարարում:
- ❑ Մաքրության ապահովման կամ պահակախմբի աշխատակիցները պետք է տեղեկացված լինեն այն մասին, որ այն վայրում որտեղ նրանք պատրաստվում են աշխատել, վարակակիր անձ է եղել: Ախտահարված տարածքների վարակազերծման համար առաջարկվում են երրորդ կողմի որակավորված մաքրման ծառայություններ:
- ❑ Եթե մաքրության ապահովման կամ պահակախմբի աշխատակիցներին խնդրում են ախտահանել COVID-19 վիրուսով ախտահարված տարածքը, ապա նրանք չպետք է սկսեն, քանի դեռ ճամբարային կամ հանգստի ավտոտնակների կայանատեղի օպերատորը չի տրամադրել պատշաճ պաշտպանիչ միջոցներ և դրանց օգտագործման վերաբերյալ վերապատրաստում: Մաքրման գործընթացում բոլոր գործողությունների, ներառյալ՝ աղբահանման համար պահակախմբի կամ պահառության աշխատողները պետք է կրեն մեկանգամյա օգտագործման ձեռնոցներ: Աշխատակիցներին պետք է հիշեցնել ձեռնոցները հանելուց անմիջապես հետո ձեռքերը լվանալ օճառով և ջրով կամ օգտագործել ձեռքերի ախտահանիչ միջոց: Կարող է պահանջվել հավելյալ անհատական պաշտպանության միջոցների անհրաժեշտություն, ներառյալ ակնոցներ՝ պայմանավորված օգտագործվող տվյալ մաքրող / ախտահանող միջոցների ցայտման հավանականության վտանգով:

- ❑ Մաքրության ապահովման աշխատակազմին պետք է տրամադրվի վերապատրաստում և տեղեկատվություն` օգտագործվող մաքրող և ախտահանող միջոցների վտանգների, ինչպես նաև անվտանգության տվյալների թերթիկների առկայության, պահանջվող անհատական պաշտպանության միջոցների և անհրաժեշտ օդափոխության վերաբերյալ:
- ❑ Աշխատակիցները պետք է ունենան բավարար օդափոխություն (օդի հոսք) այն տարածքներում, որտեղ նրանք մաքրում են: Լոգարանի կամ այլ փոքր տարածքի մաքրման դեպքում համոզվեք, որ դուռը և պատուհանները լայն բացված են:
- ❑ Ախտահանման հետ կապված ասթմայի վտանգը նվազեցնելու նպատակով պետք է ընտրվեն N ցուցակում առկա ասթմայի համար ավելի անվտանգ բաղադրիչներով (ջրածնի պերօքսիդ, կիտրոնաթթու կամ կաթնաթթու) ախտահանող նյութեր: Խուսափեք արտադրանքներից, որոնք այս բաղադրիչները խառնում են պերօքսիդային թթվով, նատրիումի հիպոքլորիդով (բլիչ) կամ ամոնիումի միացություններով, ինչը կարող է առաջացնել ասթմա:
- ❑ Ճամբարային և հանգստի ավտոտնակների զբոսայգիների այցելուներին պետք է հիշեցնել, որ պահպանեն վեց ոտնաչափ հեռավորություն մաքրություն ապահովող կամ պահակախմբի աշխատակազմից: Աշխատակիցների հետ պարբերաբար իրականացրեք ստուգման գործընթաց` համոզվելու, որ այցելուները հետևում են այս արձանագրությանը: Ապահովեք աշխատակիցների` նման տեղեկություններով փոխանակումը` առանց ճնշման կամ վրեժխնդրության ենթարկվելու վախի :
- ❑ Ճամբարային և հանգստի ավտոտնակների զբոսայգիների օպերատորները պետք է գնահատեն, թե արդյոք կայանատեղիում գտնվող շների համար նախատեսված տարածքը բավականաչափ ընդարձակ է, որպեսզի տեղավորեն այցելուներին և նրանց կենդանիներին` պահպանելով համապատասխան ֆիզիկական հեռավորություն: Եթե տարածքը բավարար չէ, շների համար նախատեսված տարածքները պետք է ընդարձակվեն, զբաղվածությունը սահմանափակվի կամ փակվի:

**Դ. ՀԱՂՈՐԴԱԿՑՈՒԹՅՈՒՆ ԱՇԽԱՏԱԿԻՑՆԵՐԻ ԵՎ ՀԱՍԱՐԱԿՈՒԹՅԱՆ ՀԵՏ**

- ❑ Ճամբարային և հանգստի ավտոտնակների զբոսայգիների օպերատորները պետք է քայլեր ձեռնարկեն, որպեսզի այցելուները նախքան իրենց ժամանումը լիովին տեղյակ լինեն զբոսայգու նոր քաղաքականության և ընթացակարգերի մասին: Նման քաղաքականությունը պետք է ներառի ճամբարային և հանգստի ավտոտնակների, զբոսայգիների օպերատորների կողմից` ախտանշաններով այցելուների ամրագրումները չեղյալ հայտարարելու իրավունքը, մուտքի նոր ընթացակարգերը, ֆիզիկական հեռավորության պահպանման պահանջները, ինչպես նաև կացության վայրերի, հարմարությունների և ընդհանուր տարածքների, ինչպիսիք են մուտքի/զբոսայգու տարածքը և այգու ընդհանուր խանութը կամ այցելուների կենտրոնը, մաքրման և ախտահանման ժամանակացույցերը:
- ❑ Այցելուներին տրամադրել տեղեկատվություն հետևյալ թեմաների վերաբերյալ.
  - Մինչ ժամանումը նախօրոք ծրագրավորեք, ամրագրեք և գնեք անցագրեր, վառելիքայտ, սառույց և այլ իրեր` առցանց կամ հեռախոսով:
  - Ունեցեք այն ամենը, ինչ ձեզ անհրաժեշտ է: Օրինակ` ժամանեք ձեր սեփական օճառով, մակերեսներն ախտահանող նյութերով, ձեռքերի ախտահանիչ միջոցներով, թղթե սրբիչներով/ձեռքի սրբիչներով և զուգարանի թղթով: Խորհուրդ է տրվում նաև մաքուր

ախտահանող անձեռոցիկներ բերել, որպեսզի ընդհանուր տարածքները մաքրվեն օգտագործելուց առաջ և հետո: Հնարավորության դեպքում՝ բերեք ձեր սեփական մարզական սարքավորումները, սրբիչները, առաջին օգնության պարագաները և բացօթյա հանգստի համար անհրաժեշտ այլ իրեր: Այցելուները զբոսախնջույքի սեղանների համար պետք է բերեն պլաստիկ սփռոցներ, որոնք կարող են այնուհետև դնել նետել կամ տնային պայմաններում լվանալ:

- Ֆիզիկական հեռավորության պահպանումն ապահովելու համար, այցելուները պետք է կարգավորեն իրենց ճամբարային հանգստավայրերը կամ զբոսախնջույքի վայրերը՝ առավելագույնի հասցնելու համար հեռավորությունը հարևան ճամբարներից և զբոսախնջույքի վայրերից, որտեղ հյուրընկալվել են այլ կենցաղային վայրերում բնակվող անձինք:
- Որոշ ծրագրեր և հաստատություններ կարող են չեղարկվել կամ փակվել, ուստի այցելուները պետք է ստուգեն առցանց ռեսուրսները՝ կանոնների փոփոխությունների և չեղարկումների վերաբերյալ նորացված տեղեկություններ ստանալու համար, որպեսզի իմանան, թե ինչ ակնկալվել է ժամանելուն պես:
- Մինչև օգտագործելը ուսումնասիրեք ինքնապասարկման հաստատությունների և հարմարությունների վերաբերյալ մաքրման բոլոր արձանագրությունները:
- Թողեք կահույքը, ինչպիսիք են զբոսախնջույքների սեղանները և աթոռները, այնպիսի վիճակում, ինչպիսին որ մինչ ձեր ժամանելն էր, քանի որ հնարավոր է՝ զբոսայգու աշխատակիցները համապատասխան կերպով տեղավորել են այդ իրերը ֆիզիկական հեռավորության խրախուսման նպատակով:
- Հետևեք ուղղորդող նշաններին, օրինակ՝ սպասեք ձեր հերթին և ենթարկվեք այն սահմաններին, որոնք կնպաստեն շինությունների ներսում և այլ փակ տարածքներում ֆիզիկական հեռավորության պահպանմանը:
- Պլանավորեք ձեր ճանապարհորդությունը անվտանգ և պատասխանատու կերպով: Աչալուրջ եղեք, որ որոնման և փրկարարական աշխատանքները պահանջում են բազմաթիվ արձագանքողներ արտակարգ իրավիճակների համար, և այդ առողջապահական ռեսուրսների հավելյալ օգտագործման պահանջները վտանգի են ենթարկում բոլորին:

- ❑ Պահպանեք կապի համակարգեր, որոնք անձնակազմին և այցելուներին թույլ են տալիս ինքնուրույն հաղորդել ախտանիշները և ստանալ ազդեցությունների և սահմանափակումների մասին արագ ծանուցումներ՝ միաժամանակ պահպանելով գաղտնիությունը:
- ❑ Այս արձանագրության պատճենը տեղադրվում է ճամբարային հրապարակների բոլոր հանրային մուտքերի մոտ:
- ❑ Տեղադրվում են ցուցանակներ, որոնք հրահանգում են շնչառական ախտանիշներով հիվանդ այցելուներին մնալ տանը:
- ❑ Կառույցի առցանց հարթակները (կայք, սոցիալական ցանցեր և այլն) տալիս են հստակ տեղեկություններ ընթացիկ արձանագրությունների, դեմքի ծածկոցների պատշաճ օգտագործման անհրաժեշտության, վարակի կանխարգելման միջոցառումների կիրառման և ֆիզիկական հեռավորության պահպանման պահանջների վերաբերյալ:

**Ե. ԿԱՐԵՎՈՐԱԳՈՒՅՆ ԾԱՌԱՅՈՒԹՅՈՒՆՆԵՐԻՆ ԱՆԱՉԱՌ ՀԱՍԱՆԵԼԻՈՒԹՅՈՒՆ ԼՊԱՀՈՎԵԼՈՒ ՄԻՋՈՑԱՌՈՒՄՆԵՐ**



- Այցելուների համար կարևորագույն նշանակություն ունեցող ծառայություններն առաջնահերթություն են ստացել:
- Միջոցառումներ են ձեռնարկվում ծառայություններ մատուցելու այն այցելուների համար, ովքեր ունեն շարժունակության սահմանափակումներ և (կամ) հանրային տարածքներում գտնվում են բարձր վտանգի տակ:

**Վերևում չընդգրկված ցանկացած լրացուցիչ միջոցառում պետք է նշվի առանձին էջերում, որը բիզնեսը պետք է կցի այս փաստաթղթին:**

**Այս արձանագրության հետ կապված ցանկացած հարցի կամ մեկնաբանության դեպքում կարող եք կապ հաստատել ստորև ներկայացված կոնտակտային անձի հետ.**

Կոնտակտային անձի անուն՝ \_\_\_\_\_

Չեռախոսահամար՝ \_\_\_\_\_

Վերանայման վերջին ամսաթիվ՝ \_\_\_\_\_